



# Los gekkos

© Robert Michniewicz



D'unes gekkos cridan o emeton de clacs. Lo nom « gekko » ven del mot indonesian « gekoq » qu'es lo nom del crit d'un gekko en malés.

Los gekkos son de menas de reptils originaris d'Asia. Se'n tròba dins un grand nombre de païses, levat los que i fa bravament freg. An colonizada la Tèrra e se repartisson en sèt familhas.

Segon las espècias, an de biaisses de viure diferents. La màger part son nocturnes e vivon dins los arbres. Mas d'unes vivon lo jorn o demòran sus tèrra o dins l'aiga.

Demest lors particularitats fisicas, podèm notar los *setae*. Aquel mot latin designa de coissinets adherents de pels pichonèls plan denses. Lor permeton de montar pertot gaireben, e mai de marchar pels plafonds. Lors patas adèran tan plan que se pòdon arrapar amb un sol det.